



Broj: 05-4106-3-1/17  
Sarajevo, 22. 11. 2017. godine

Na osnovu člana 64. stav (1) tačka b) Zakona o javnim nabavkama („Službeni glasnik BiH“, broj 39/14), člana 10. Pravilnika o postupku dodjele ugovora o uslugama iz Aneksa II. dio B Zakona („Službeni glasnik BiH“, broj 66/16), člana 22. Statuta Agencije za bankarstvo Federacije BiH („Službene novine Federacije BiH“, broj: 42/04), a na preporuku Komisije za nabavke iz Zapisnika o pregledu i ocjeni ponuda broj: 05-4106-3/17 od 21. 11. 2016. godine, u postupku javne nabave usluga iz oblasti odnosa s javnošću i kriznog komuniciranja za potrebe Agencije za bankarstvo Federacije BiH, direktor Agencije donio je

## **ODLUKU** **o izboru najpovoljnijeg ponuđača**

### **Član 1.**

Prihvata se preporuka Komisije za nabavke iz Zapisnika o pregledu i ocjeni ponuda, broj 05-4106-3/17 od 21. 11. 2017. godine i ugovor o javnoj nabavci usluga iz oblasti odnosa s javnošću i kriznog komuniciranja za potrebe Agencije za bankarstvo Federacije BiH dodjeljuje se komunikacijskoj agenciji „Pristop“ d.o.o. Sarajevo, kao najbolje ocijenjenom ponuđaču po predmetnom postupku nabavke.

### **Član 2.**

Ukupna vrijednost ugovora iz tačke I. ove odluke iznosi 109.800,00 KM, bez poreza na dodanu vrijednost (PDV), što u konačnici s uračunatim PDV-om iznosi 128.466,00 KM.

### **Član 3.**

Ugovorni organ dostavit će na potpis izabranom ponuđaču prijedlog ugovora o nabavci usluga iz tačke I. ove odluke, u skladu s odredbama članova 72. i 98. Zakona o javnim nabavkama.

### **Član 4.**

Ova odluka objavit će se na internetskoj stranici Agencije [www.fba.ba](http://www.fba.ba), istovremeno s upućivanjem iste ponuđačima koji su sudjelovali u postupku javne nabavke, saglasno članu 70. stav (6) i članu 71. stav (2) Zakona.

### **Član 5.**

Ova odluka stupa na snagu danom donošenja.

## **O B R A Z L O Ž E N J E**

U skladu s Odlukom o pokretanju postupka javne nabavke, broj: 05-4106/17 od 27. 10. 2017. godine, pokrenut je postupak javne nabave usluga iz oblasti odnosa s javnošću i kriznog komuniciranja, s namjerom zaključenja ugovora o nabavci predmetnih usluga na period od jedne godine.

S obzirom da su navedene usluge svrstane u kategoriju usluga iz Aneksa II. dio B Zakona o javnim nabavkama javna nabavka provedena je u skladu s odredbama Zakona o javnim nabavkama i Pravilnika o postupku dodjele ugovora o uslugama iz Aneksa II. dio B Zakona.

Procijenjena vrijednost javne nabavke iznosila je 110.000,00 KM, bez poreza na dodanu vrijednost (PDV).

Poziv za dostavljanje ponuda za nabavku predmetnih usluga objavljen je na internetskoj stranici Agencije, 31. 10. 2017. godine, uz istovremeno upućivanje istog na adrese trojice potencijalnih ponuđača koji prema ocjeni Agencije mogu kvalitetno izvršiti usluge ove vrste.

U skladu s Odlukom ugovornog organa imenovana je Komisija za nabavke, kojom su definisane njene nadležnosti, koje uključuju poslove otvaranja, pregleda i ocjene ponuda, te davanje preporuke za odabir najpovoljnije ponude.

Slijedom navedenog, Komisija je u okviru svojih nadležnosti i ovlaštenja provela predmetni postupak nabavke te o tome sačinila Zapisnik o zaprimanju ponuda, broj: 05-4106-1/17, Zapisnik o otvaranju ponuda broj: 05-4106-2/17 i Zapisnik o pregledu i ocjeni ponuda, broj: 05-4106-3/17, s preporukom o izboru najpovoljnijeg ponuđača.

Ponude po ovom predmetu nabavke u zadanom roku podnijeli su slijedeći ponuđači: „Pristop“ d.o.o. Sarajevo, „Mita Group“ d.o.o. Sarajevo i „Appssolut“ d.o.o. Sarajevo.

Na osnovu izvršene analize i ocjene prispjelih ponuda u pogledu ispunjavanja zadanih kvalifikacijskih uslova nadmetanja, Komisija je u procesu evaluacije ponuda utvrdila slijedeće:

- Ponuđač „Pristop“ d.o.o. Sarajevo ispunio je zadane minimalne uslove za kvalifikaciju navedene u poglavlju III. (Uslovi za kvalifikaciju ponuđača), tačka 1. (Minimalni uslovi za kvalifikaciju ponuđača), podtačka 1.3. (Tehnička i profesionalna sposobnost – član 50. Zakona), tako što je dostavio sve tražene dokaze/izjave kao posebne dokumente, kako je traženo u tački 1.3. Poziva za dostavu ponuda (dokazi pod a), b), c) i d).
- Ponuđač „Mita Group“ d.o.o. Sarajevo nije ispunio minimalne uslove za kvalifikaciju ponuđača navedene u poglavlju III. (Uslovi za kvalifikaciju ponuđača), tačka 1. (Minimalni uslovi za kvalifikaciju ponuđača), podtačka 1.3. (Tehnička i profesionalna sposobnost – član 50. Zakona), tako što nije dostavio dokaze, odnosno potpisanu i ovjerenu potvrdu druge ugovorne strane o uredno izvršenom, najmanje jednom ili više ugovora u 2016. godini ili od datuma registracije, čija zbirna vrijednost iznosi najmanje 50.000,00 KM, bez PDV-a, koja mora sadržavati slijedeće podatke: a) naziv i sjedište ugovorne strane ili privrednog subjekta, b) predmet ugovora, c) vrijednost ugovora, d) vrijeme i mjesto izvršenja ugovora, e) navode o uspješno izvršenom ugovoru, kako je traženo u podtački 1.3. Poziva za dostavu ponuda (dokazi pod a).

Nedostaci u dokumentaciji ovog ponuđača, koji je istu dostavio kao dokaze o ispunjavanju kvalifikacijskih uslova, u suprotnosti su sa zadanim uslovima iz podtačke 1.3. Poziva za dostavu ponuda (dokaz pod a), a ogledaju se u slijedećem:

- u izjavi društva „Konzum“ d.o.o. Sarajevo, bez broja od 26. 09. 2017. godine, navedeno je da su ugovorne strane imale poslovni odnos bez navođenja podataka o vrijednosti ugovora u 2016. godini;
- u potvrdi druge ugovorne strane, „Vanjskotrgovinske komore Bosne i Hercegovine“, broj: 01-4-01-4-1886-2/17 od 09.11.2017. godine, izostavljeni su navodi o uspješnosti, odnosno urednosti izvršenja ugovora;
- preostala dokumentacija koju je dostavio ovaj ponuđač kao dokaz o ispunjavanju uslova iz navedenog poglavlja predstavlja e-mail komunikaciju između ugovornih strana, koja se kao takva, s obzirom da nije potpisana niti ovjerena od druge ugovorne strane i da ne sadrži podatke o urednosti (uspješnosti) izvršenja ugovora, što je u suprotnosti s podtačkom 1.3. Poziva za dostavu ponuda, ne može prihvatiti.
- ovaj ponuđač je u prilogu 1 – u obrascu za dostavljanje ponude nepravilno izvršio ispravku broja (cijene), u dijelu koji se odnosi na cijenu ponude, na način da ispravljeni podatak nije ostavio vidljivim, niti je ispravka potvrđena potpisom i datumom izvršene ispravke, što je u suprotnosti s članom 18. Uputstva za pripremu modela tenderske dokumentacije i ponuda.

- Ponuđač “Appssolut“ d.o.o. Sarajevo nije ispunio minimalne uslove za kvalifikaciju ponuđača navedene u poglavlju III. (Uslovi za kvalifikaciju ponuđača), tačka 1. (Minimalni uslovi za kvalifikaciju ponuđača), podtačka 1.3. (Tehnička i profesionalna sposobnost – član 50. Zakona), s obzirom da nije dostavio dokaze o ispunjenju uslova koji su navedeni u podtačkama a) i d), odnosno ovjerene i potpisane potvrde druge ugovorne strane o realizaciji ugovora, kao obične kopije originala, kako je traženo u podtački 1.3. Poziva za dostavu ponuda (dokazi pod a) i d).  
Ovaj ponuđač dostavio je kao dokaze o ispunjavanju uslova iz navedenog poglavlja dokumentaciju koja predstavlja e-mail komunikaciju između ugovornih strana, koja se kao takva, s obzirom da nije potpisana niti ovjerena od druge ugovorne strane, ne može prihvatiti iz razloga što je u suprotnosti s uslovima zadanim u podtački 1.3. Poziva za dostavu ponuda.

U postupku donošenja ove odluke posebno su cijenjene činjenice da je Komisija pravilno i potpuno izvršila ocjenu kvalificiranosti ponuđača, te ocjenu prispjelih ponuda, u skladu s kriterijima iz Poziva za dostavu ponuda.

Nadalje, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i zadanim uslovima iz Poziva za dostavu ponuda.

U postupku ocjene provedenog postupka direktor Agencije nije našao razloge, nepravilnosti niti propuste u radu, koji bi eventualno bili osnova za neprihvatanje preporuke Komisije.

Na osnovu izvršenog uvida u priloženu dokumentaciju utvrđeno je da je izabrani ponuđač jedini dostavio prihvatljivu ponudu, u iznosu od 109.800,00 KM, bez poreza na dodanu vrijednost (PDV), što u konačnici s uračunatim PDV-om iznosi 128.466,00 KM, koja u potpunosti ispunjava zadane uslove nadmetanja, koja je niža od procijenjene vrijednosti nabavke.

Uvažavajući sve navedeno, primjenom člana 64. stav (1) tačka b) Zakona o javnim nabavkama, člana 10. Pravilnika o postupku dodjele ugovora o uslugama iz Aneksa II. dio B Zakona, te člana 22. Statuta ugovornog organa, odlučeno je kao u članu 1. ove odluke.

#### **POUKA O PRAVNOM LIJEKU:**

Protiv ove odluke može se izjaviti žalba u roku od 10 (deset) dana od dana prijema ove odluke.

Žalba se izjavljuje Agenciji za bankarstvo Federacije BiH u pisanoj formi, direktno, elektronskim putem ili preporučenom poštanskom pošiljkom. Žalba se podnosi u dovoljnome broju primjeraka, a koji ne može biti manji tri.



Dostaviti:

1. svim ponuđačima – učesnicima u postupku nabavke
2. Sektoru zajedničkih funkcija
3. a.a.